

## **U G O V O R**

### **o isporuci roba: kompjuterske opreme**

Između:

- 1. Općinski sud u Visokom**, ulica Alije Izetbegovića broj 1, Visoko koga zastupa vršilac dužnosti predsjednika suda Amira Merdić (u daljem tekstu: Naručilac), i
- 2. „EMADO“ d.o.o. Sarajevo**, ulica Azize Šaćirbegović broj 112, Sarajevo, koga zastupa direktor Damir Begić ( u daljem tekstu: Isporučilac)

Ugovorne strane saglasno konstatuju da je na osnovu Odluke o izboru najpovoljnijeg ponuđača, broj: 041-0-SU-25-000559 od 10.3.2025. godine ponuđač **„EMADO“ d.o.o. Sarajevo** izabran kao najpovoljniji, te da su se ugovorne strane sporazumjele o sljedećem:

### **I PREDMET UGOVORA**

#### **Član 1.**

Predmet ovog Ugovora je isporuka kompjuterske opreme Naručiocu specificirane u ponudi Isporučioca broj: NR2602/25 od 26.2.2025. godine, koja čini sastavni dio ovog Ugovora.

### **II CIJENA I NAČIN PLAĆANJA**

#### **Član 2.**

Ukupna vrijednost robe iz člana 1. ovog Ugovora, prema specificiranim količinama i ugovorenim jediničnim cijenama iznosi 29.499,00 KM **bez PDV, odnosno 34.513,83 KM sa PDV-om.**

#### **Član 3.**

Plaćanje po ovom Ugovoru, Naručilac će izvršiti u roku od 30 dana od dana izvršene isporuke kompjuterske opreme.

Kao dokaz izvršene isporuke prilaže se zapisnik o kvantitativnom i kvalitativnom prijemu predmetne robe, potpisan od strane osobe ovlaštene za kontrolu i prijem naručene robe.

Ukoliko Isporučilac ne isporuči robu u skladu sa zahtjevima iz tehničke specifikacije tenderske dokumentacije i ponude koja je sastavni dio ovog Ugovora, roba neće biti plaćena i stavit će se na raspolaganje Isporučiocu.

### **III ROK ISPORUKE**

#### **Član 4.**

Isporučilac se obavezuje da će kompjutersku opremu iz člana 1. ovog Ugovora isporučiti u sjedište Naručioca u maksimalnom roku od 30 dana od dana zaključenja ugovora zajedno sa računom za isporučenu robu.

### **IV PRAVA I OBAVEZE ISPORUČIOCA**

#### **Član 5.**

Isporučilac je dužan:

- isporučiti robe prema tehničkim zahtjevima iz tenderske dokumentacije,
- izvršiti sve radnje neophodne da roba bude spremna za prijem kao što su: pakiranje, otprema, utovar,

prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar do krajnje destinacije,

- odgovara za uredno izvršenje Ugovora prema važećim propisima, štiti prava i interese Naručioca, te ga obavještava o toku realizacije Ugovora,

- snosi sve rizike do konačnog prijema robe na krajnje odredište, u roku koji je propisan Ugovorom.

#### **Član 6.**

Isporučilac garantuje da je roba nova, nekorištena, i da u sebi sadrži sva najnovija poboljšanja u smislu dizajna, materijala ili izrade, osim ako takav izbor nije bio zahtjevan u specifikacijama od strane Naručioca.

Isporučilac garantuje da roba odgovara za svrhu za koju treba da se koristi, da će funkcionirati kako je to navedeno u proizvođačkoj tehničkoj specifikaciji.

Isporučilac je obavezan osigurati garanciju proizvođača na isporučenu robu. Garantni rok na robu je naveden u tehničkoj specifikaciji i teče od dana isporuke robe, kako je navedeno u nastavku:

1. Računar AIO (sa pratećim softverskim licencama), garancijski rok minimlano 36 mjeseci proizvođačke garancije koja se dokazuje izjavom ponuđača, kojom se potvrđuje da je zahtjevani garantni rok podržan od proizvođača opreme. Izjava mora biti naslovljena na predmet i broj nabavke.

Isporučilac ne odgovara za štetu nastalu na proizvodima do koje je došlo uslijed neadekvatnog skladištenja, loše manipulacije od strane Naručioca ili uopće postupanja Naručioca suprotno propisanim standardima za čuvanje i manipulisanje isporučene kompjuterske opreme.

### **V PRAVA I OBAVEZE NARUČIOCA**

#### **Član 7.**

Naručilac se obavezuje da izvrši obaveze iz člana 3. ovog Ugovora. U ime Naručioca, kvantitativni i kvalitativni prijem predmetnog materijala, sačinjavanje i ovjeravanje zapisnika o kvalitativnom i kvantitativnom prijemu robe izvršiti će osoba ovlaštena za prijem iste.

U slučaju da se utvrdi da je roba oštećena ili neispravna, odnosno nesaobrazna sa ponudom, o tome će se sastaviti poseban izvještaj i isti uputiti Isporučiocu da se odmah izjasni u pogledu utvrđenih nedostataka na robu, a postupa se u skladu sa članom 3. stav 3. Ugovora.

#### **Član 8.**

Kao ovlašteni predstavnik na praćenju izvršenja ugovornih odredbi, u smislu kvantitativnog i kvalitativnog prijema robe, određuje se zaposlenik raspoređen na radnom mjestu stručni savjetnik za IKT.

### **VI VIŠA SILA**

#### **Član 9.**

Ako slučaj više sile koja potpuno ili djelimično spriječi trajno ili privremeno izvršenje obaveza po ovom Ugovoru, Ugovorna strana koja se poziva na taj slučaj obavezna je da u roku od 7 dana od dana nastanka više sile o tome obavijesti drugu Ugovornu stranu na način koji je u datoj situaciji moguć (telegram, telefax i sl.).

Pod višom silom u smislu prethodnog stava podrazumijeva se događaj ili okolnost koji nisu postojali u vrijeme potpisivanja ovog Ugovora, koji su nastali mimo volje i moći Ugovorne strane, čije se nastupanje nije moglo predvidjeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

### **VII ZAVRŠNE ODREDBE**

**Član 10.**

Za sve odnose i institute koji nisu utvrđeni ovim Ugovorom, a proisteknu iz njegove primjene, primjenjivat će se odgovarajuće odredbe Zakona o obligacionim odnosima.

**Član 11.**

Sporove po ovome Ugovoru, Ugovorne strane će riješiti sporazumno. Ako u postupku rješavanja spora ne dođe do rješenja, nadležan je Općinski sud u Zenici.

**Član 12.**


Ovaj Ugovor stupa na snagu danom potpisivanja od strane ovlaštenih osoba Ugovornih strana.

**Član 13.**

Ovaj Ugovor sastavljen je u četiri istovjetna primjerka od kojih svaka ugovorna strana zadržava po dva primjerka.

**NARUČILAC**

**OPĆINSKI SUD U VISOKOM**

  
Amira Merdić  
Vršilac dužnosti  
PREDSJEDNIKA SUDA

**ISPORUČILAC**

  
Damir Begić  
DIREKTOR

Broj: 041-0-Su-25-000796

Datum, 27.03.2025. godine

Broj: 292-2/25

Datum, 3.4. .2025. godine